

Headline	Sikap ambil mudah perjudi ekonomi negara		
MediaTitle	Sinar Harian		
Date	21 Sep 2013	Language	Malay
Circulation	60,000	Readership	180,000
Section	Nasional	Color	Black/white
Page No	4	ArticleSize	90 cm ²
AdValue	RM 360	PR Value	RM 1,080



Sikap ambil mudah perjudi ekonomi negara

SHAH ALAM – Sikap segelintir peniaga Melayu yang gemar mendapatkan keuntungan dengan jalan yang mudah adalah salah satu faktor lambakan peniaga asing di negara ini semakin meningkat.

Pensyarah Ekonomi, Universiti Utara Malaysia, Prof Amir Baharuddin berpendapat, perbuatan menyerahkan lesen perniagaan

kepada warga asing adalah satu sikap yang sukar diubah.

“Pihak kerajaan mengawal aktiviti perniagaan warga asing kerana mahu beri ruang kepada orang Melayu untuk meningkatkan eko-

nomi mereka dalam bidang ini. Tapi mereka sendiri yang tidak tahu menghargai peluang itu.

“Tindakan sesetengah peniaga

ini bukan sahaja merugikan diri sendiri malah memberi kesan terhadap ekonomi orang Melayu sendiri,” katanya.

Menurutnya, perniagaan seperti ini dilihat seolah-olah menjadi satu trend baru di kalangan mereka yang mahu mendapatkan keuntungan dengan jalan pintas.

“Oleh kerana sikap tidak ber-

tanggungjawab ini, ekonomi orang Melayu agak sukar dibangunkan.

“Saya nasihatkan kepada peniaga, jika mereka tidak mahu menjalankan perniagaan dengan cara yang betul, mereka boleh serahkan semula lesen tersebut. Sekurang-kurangnya, peluang tersebut boleh digunakan mereka yang benar-benar berminat,” katanya.